

23888

皇清



16048

67
3
9

度支

州縣度支之法至

本朝而折衷至當前此數千百年無藝之征汰除盡矣其
取於民有定額其用於公有常制自宮俸祭祀賓興及
僕從胥役驛遞之數靡不酌定科程按冊而給無絲毫
可以隨意增減逾格徵求者雖有墨官蠹吏亦束於定
例無所用其浮冒侵漁舞文巧取之方孰謂有治人無
治法哉今舉順治以來陸續釐定者並敘次之蓋金科
玉律萬世不敝之制也

俸工項下

阜平縣志

卷四

政典下 度支

一

知縣舊額年支俸銀二十七兩四錢九分薪銀三十六
兩順治十四年薪銀全裁照滿洲七品官例實支銀
四十五兩道光二十三年奉文每兩扣解六分部平
實支銀四十二兩三錢

門子二名舊額年支工食銀十四兩四錢遇閏加銀一
兩二錢順治九年裁正銀二兩四錢裁閏銀二錢實
支銀十二兩遇閏加銀一兩道光二十三年奉文每
兩扣解六分部平實支正銀十一兩二錢八分遇閏
加支銀九錢四分

阜隸十四名舊額十六名年支工食銀一百一十五兩

二錢遇閏加銀九兩六錢順治九年裁正銀十九兩
二錢裁閏銀一兩六錢雍正六年裁二名撥爲作
實支銀八十四兩遇閏加銀七兩道光二十三年奉
文每兩扣解六分部平實支正銀七十八兩九錢六
分遇閏加支銀六兩五錢八分

馬快八名舊額年支工食銀一百四十四兩遇閏加銀
一十二兩順治九年裁正銀九兩六錢裁閏銀八錢
實支正銀一百三十四兩四錢遇閏加銀十一兩二
錢道光二十三年奉文每兩扣解六分部平實支正
銀一百二十六兩三錢二分六釐遇閏加支銀十兩
五錢二分八釐

阜平縣志

卷四

政典下 度支

二

民壯三十名舊額五十名年支工食銀三百六十兩遇
閏加銀三十兩順治九年裁正銀六十兩裁閏銀五
兩雍正八年撥本府衙門十六名同知衙門四名實
支正銀一百八十兩遇閏加銀十五兩道光二十三
年奉文每兩扣解六分部平實支正銀一百六十九
兩二錢遇閏加支銀十四兩一錢

禁卒八名舊額年支工食銀五十七兩六錢遇閏加銀
四兩八錢順治九年裁正銀九兩六錢裁閏銀八錢
實支銀四十八兩遇閏加銀四兩道光二十三年奉

文每兩扣解六分部平實支正銀四十五兩一錢二分遇閏加支銀三兩七錢六分

件作二名舊無額雍正六年設裁卓隸二名工食與之年支銀十二兩遇閏加銀一兩道光二十三年奉文每兩扣解六分部平實支正銀十一兩二錢八分遇閏加支銀九錢四分

更夫四名舊額年支工食銀二十四兩遇閏加銀二兩道光二十三年奉文每兩扣解六分部平實支正銀二十二兩五錢六分遇閏加支銀一兩八錢八分

傘扇夫三名舊額年支工食銀二十一兩六錢遇閏加

阜平縣志

卷四

政典八下度支

三

銀一兩八錢順治九年裁正銀三兩六錢裁閏銀三錢實支正銀十八兩遇閏加銀一兩五錢道光二十三年奉文每兩扣解六分部平實支正銀十六兩九錢二分遇閏加支銀一兩四錢九分

轎夫四名舊額年支工食銀二十八兩八錢遇閏加銀二兩四錢順治九年裁正銀四兩八錢裁閏銀四錢實支正銀二十四兩遇閏加銀二兩道光二十三年奉文每兩扣解六分部平實支正銀二十二兩五錢六分遇閏加支銀一兩八錢八分

庫子四名舊額年支工食銀二十八兩八錢遇閏加銀

二兩四錢順治九年裁正銀四兩八錢裁閏銀四錢
實支正銀二十四兩遇閏加銀二兩道光二十三年
奉文每兩扣解六分部平實支正銀二十二兩五錢
六分遇閏加支銀一兩八錢八分

斗級四名舊額年支工食銀二十八兩八錢遇閏加銀
二兩四錢順治九年裁正銀四兩八錢裁閏銀四錢
實支銀二十四兩遇閏加銀二兩道光二十三年奉
文每兩扣解六分部平實支正銀二十二兩五錢六
分遇閏加支銀一兩八錢八分

水火夫八名年支工食銀四十八兩遇閏加銀四兩道

阜平縣志

卷四 政典下度支

四

光二十三年奉文每兩扣解六分部平實支正銀四
十五兩一錢二分遇閏加支銀三兩七錢六分

典史舊額年支俸銀一十九兩五錢二分薪銀一十二
兩順治十四年裁薪歸俸實支俸銀三十一兩五錢
二分道光二十三年奉文每兩扣解六分部平實支
正銀二十九兩六錢二分八釐八毫

門子一名舊額年支工食銀七兩二錢遇閏加銀六錢

順治九年裁正銀一兩二錢裁閏銀一錢實支正銀

六兩遇閏加銀五錢道光二十三年奉文每兩扣解

六分部平實支正銀五兩六錢四分遇閏加支銀四

錢七分

阜隸四名舊額年支工食銀二十八兩八錢遇閏加銀
二兩四錢順治九年裁正銀四兩八錢裁閏銀四錢
實支正錢二十四兩遇閏加銀二兩道光二十三年
奉文每兩扣解六分部平實支正銀二十二兩五錢
六分遇閏加支銀一兩八錢八分

馬夫一名舊額年支工食銀七兩二錢遇閏加銀六錢

順治九年裁正銀一兩二錢裁閏銀一錢實支正銀
六兩遇閏加銀五錢道光二十三年奉文每兩扣解

六分部平實支正銀五兩六錢四分遇閏加支銀四

阜平縣志

卷四 政典下 度支

五

錢七分

教諭年支俸銀三十一兩五錢二分乾隆元年增俸銀

八兩四錢八分實支俸銀四十兩道光二十三年奉
文每兩扣解六分部平實支正銀三十七兩六錢

齋夫六名舊額年支工食銀七十二兩遇閏加銀六兩

順治十六年裁縣全裁康熙二十二年復仍裁銀三
十六兩實支銀三十六兩遇閏加銀三兩道光二十

三年奉文每兩扣解六分部平實支正銀三十三兩
八錢四分遇閏加支銀二兩八錢二分

膳夫二名舊額年支工食銀四十兩遇閏加銀三兩三

錢三分三釐順治十六年裁縣全裁康熙二十二年復仍裁正銀二十六兩六錢六分六釐裁閏銀二兩二錢二分二釐實支正銀一十三兩三錢三分三釐四毫遇閏加銀一兩一錢一分一釐道光二十三年奉文每兩扣解六分部平實支正銀十二兩五錢三分三釐四毫遇閏加支銀一兩零四分四釐四毫門斗五名舊額年支工食銀三十六兩遇閏加銀三兩順治十六年裁縣全裁康熙二十二年復仍裁正銀二十一兩六錢裁閏銀一兩八錢實支正銀十四兩四錢遇閏加銀一兩二錢道光二十三年奉文每兩扣解六分部平實支正銀十三兩五錢三分六釐遇閏加支銀一兩一錢二分八釐廩生二十名舊額年支月糧銀一百九十二兩遇閏加銀十六兩順治十四年裁正銀一百二十八兩裁閏銀十兩六錢六分六釐七毫實支正銀六十四兩遇閏加銀五兩三錢三分三釐三毫

龍亭每年修理支銀五錢除扣解六分部平實支銀四錢

七分

文廟每年修理支銀十兩除扣解六分部平實支銀九兩

四錢

文廟春秋二祭支銀四十兩

武廟春秋二祭暨五月十三日祭共支銀四十兩

文昌廟春秋二祭支銀二十六兩六錢六分六釐六毫六

絲

社稷山川風雲雷雨諸壇共支祭銀三十兩

先農壇祭費向於藉田穀內開銷守壇夫二名支工食銀

十二兩遇閏加銀一兩

厲壇清明中元十月三祭支銀十兩

朔望行香紙燭銀一兩

鼓吹手年支工食銀二十四兩遇閏加銀二兩道光二

阜平縣志

卷四 政典下 度支

七

十三年奉文每兩扣解六分部平實支正銀二十二

兩五錢六分遇閏加支銀一兩八錢八分

時憲書銀三兩

孤貧二十人舊額年支口糧銀六十二兩冬衣布花銀

五兩遇閏加銀五兩一錢六分六釐六毫乾隆三年

加增口糧銀十兩布花銀五錢六分六釐九毫閏銀

八錢三分三釐三毫共實支口糧銀七十二兩冬衣

布花銀五兩五錢六分六釐九毫八絲遇閏加銀六

兩

遞馬原額十四匹夫六名向支工料銀二百八十八兩

遇閏加銀二十四兩雍正八年裁馬二匹夫一名又撥協懷來縣馬二匹夫一名實存遞馬八匹夫四名年支工料銀一百九十二兩雍正十一年又節省十分之一計銀十九兩二錢每年實支工料銀一百七十二兩八錢閏銀十四兩四錢

鋪司舊額八名年支工食銀四十八兩遇閏加銀四兩乾隆十四年知縣羅仰鑣稟請增設鋪司六名年支工食銀三十六兩遇閏加銀三兩二共年支銀八十四兩閏銀七兩道光二十三年奉文每兩扣解六分邵平計支正銀七十八兩九錢六分遇閏加銀六兩

阜平縣志

卷四 政典下 度支

八

五錢八分咸豐八年奉文正閏均減六成其後實支正銀三十一兩五錢八分四釐實支閏銀二兩六錢三分二釐

鄉飲二次酒禮支銀十兩順治十四年裁銀五兩十六年裁縣全裁康熙二十二年復縣仍支銀十兩前經奉文留支此款照數解司

以上統共俸工工料銀一千三百四十八兩七錢八分一釐八毫四絲遇閏加支銀八十八兩五錢九分五釐七毫俱在徵收地糧銀內留支

舊額全裁未復各款

一知縣心紅紙張油燭等項原額年支銀三十兩遇閏
加銀二兩五錢順治十六年裁縣全裁

一知縣修理家伙年支銀二十兩順治九年裁

一修理監倉年支銀二十兩順治十六年裁縣全裁

一迎送上司傘扇原額年支工食銀十兩順治十四年
裁

一吏書十二名原額年支工食銀一百二十九兩六錢
遇閏加銀十兩八錢順治十六年裁縣全裁

一燈夫四名原額年支工食銀二十八兩八錢遇閏加
銀二兩四錢雍正五年裁

阜平縣志

卷四 政典下 度支

九

一庫書一名原額年支工食銀十二兩遇閏加銀一兩
順治十六年裁縣全裁

一倉書一名原額年支工食銀十二兩遇閏加銀一兩
順治十六年裁縣全裁

一典史書辦一名原額年支工食銀七兩二錢遇閏加
銀六錢順治十六年裁縣全裁

一訓導一員原額年支俸銀三十一兩五錢二分遇閏
加銀二兩六錢二分六釐二毫六絲順治十六年缺
裁

一學書一名原額年支工食銀七兩二錢遇閏加銀二

兩順治十六年裁縣全裁

一春牛芒神桃符門神酒席銀五兩順治十六年裁縣全裁

一學院科歲試季考生員試卷花紅銀十兩順治十六年裁縣全裁

一修理察院公館家伙等項銀十兩順治九年裁

一看守察院門子二名年支工食銀十二兩遇閏加銀一兩雍正十二年裁

一雜支供應過往上司下程中伙銀一百兩順治十四年裁

阜平縣志

卷四

政典下度支

十

一驛站工科銀三十四兩八錢四分遇閏加銀二兩九錢順治十六年裁縣全裁

一接遞皂隸六名原額年支工食銀三十六兩遇閏加銀三兩順治十六年裁縣全裁

一扛轎夫十四名原額年支工食銀一百四十兩遇閏加銀十二兩六錢六分雍正三年全裁

二年一辦者

一貢生盤費銀三十五兩花紅旗匾銀五兩兩年分辦

康熙二十六年裁盤費銀十七兩五錢實支花紅旗匾銀二兩五錢係缺額之區無徵無解

三年一辦者

一朝覲造冊紙張銀五兩三年分辦順治十四年裁
一朝覲官盤費銀二十五兩典史二十兩隨朝吏五兩

三年分辦順治十四年裁

一科舉生員賓興盤費花紅酒席銀二十四兩三年分

辦順治十六年裁縣全裁

一會試舉人盤費銀十八兩三年分辦順治十六年裁

縣全裁係缺額之區無徵無解

一新中舉人每名坊價銀八十兩三年分辦順治十六

年裁縣全裁康熙二十二年復係缺額之區無徵無

阜平縣志

卷四

政典下度支

十一

解

一新中進士每名坊價銀一百兩三年分辦順治十六

年裁縣併歸行曲二縣支給康熙二十二年復係缺

額之區無徵無解

一新中武舉每名花紅旗匾銀十兩三年分辦順治十

六年裁縣併歸行曲二縣支給康熙二十二年復係

缺額之區無徵無解

一新中武進士每名花紅旗匾銀二十兩三年分辦順

治十六年裁縣併歸行曲二縣支給康熙二十二年

復係缺額之區無徵無解

一順天鄉試貢院供給銀四兩三年分辦順治十六年
裁縣全裁

養廉

知縣每年養廉銀六百兩原係地糧銀內留支嘉慶十
六年奉文改爲赴司請領道光二十三年奉文扣除
六分部平銀三十六兩並扣辦公銀內六分部平銀
六兩實計應領銀五百五十八兩咸豐三年夏季爲
始每年停給六成養廉以充軍餉並扣四成養廉內
六分部平銀一十四兩四錢及扣辦公銀內六分部
平銀六兩實計應領銀二百一十九兩六錢咸豐六
年夏季爲始每年正印養廉改給九成計應領銀五
百四十兩仍扣六分部平銀三十二兩四錢又扣辦
公六分部平銀六兩實計應領銀五百零一兩六錢
同治二年春季爲始正印養廉改給七成實銀四百
二十兩仍扣六分部平銀二十五兩二錢又扣辦公
六分部平銀六兩實計應領銀三百八十八兩八錢
典史每年養廉銀三十一兩五錢二分

辦公銀兩

額設辦公銀一百兩原係地糧銀內留支嘉慶十六年
奉文改爲赴司請領嗣奉文扣抵應解辦公銀一百

兩僅具領解各文申送備案道光二十三年奉文於
應領養廉銀內扣放應解辦公銀之六分部平銀六
兩同治八年奉文改按六成實銀六十兩放抵仍具
文而已

阜平縣志

卷四

政典下 度支

三

文而已

兩同治八年奉文改按六成實銀六十兩放抵仍具
文而已
兩同治八年奉文改按六成實銀六十兩放抵仍具
文而已
兩同治八年奉文改按六成實銀六十兩放抵仍具
文而已

阜邑舊有養濟院在城東南久廢乾隆二十七年知縣
鄒尙易移建於南關廬舍五間舊額孤貧二十名年支
口糧銀七十二兩閏銀六兩花布銀五兩五錢六分六
釐乾隆十三年知縣羅仰鑣奉制府方觀承文創設留
養局二以收養行旅貧病中途者一在橋西菴一在王
快鎮城隍廟室各五間前縣鄧持暨士商輸銀並變賣
官地共置地一頃五十二畝八分歲收租銀五十兩爲
二局薪米之用二十七年知縣鄒尙易增買絲衣地租
銀十兩繼此歷有增益今地已三頃餘矣義塚二一在
城東郊一在王快鎮此皆郵政常例相沿不改若鄒令
於南關設粥廠歲十一月朔施粥至次年二月止則無
公款可動惟長吏之隨時補救以存活貧乏耳同治十
二年十一月大雪民飢凍多死知縣勞輔芝於北城下
建廠一所煖坑地爐各二煮粥餉之朔望加犒至次年
二月止

留養局原案銀數

知縣鄧持籌備經費銀共三百六十二兩除買地價銀
三百零五兩下餘銀五十七兩發交鹽店承領本銀四
十二兩按月一分八釐行息每年交息銀九兩七分二

釐炭灰舖承領本銀十五兩按月交銀一兩共交銀十二兩二共本銀五十七兩共收息銀二十一兩七分二釐

原案地畝

不老樹地一段計二十六畝三分五釐

高阜口灘地一段計二十四畝五分五釐

石坊稻地一段計九十三畝七分

張家莊地一段計八畝二分

共地一頃五十二畝八分

增置地畝

阜平縣志

卷四

政典下 郵政

圭

石坊院官地一段計五畝

西壇轉城根地一股約計三十畝

桃河口灘地一段計二十一畝

長壽莊墩台地五畝八分

五莊灣地一段計十三畝八分三釐三毫

北壇地半股約計二畝

橫嶺會地一段計五畝

王快鎮地基一分

張家莊地一段計二十一畝

橋西菴地一頃

易家莊地一段計五畝九分

共地二頃零九畝六分三釐三毫隨年上下收租多寡
不等用充留養局經費

論曰

國朝勤恤民隱輕徭薄賦遇水旱偏災無不立沛

恩綸又於各州縣設養濟育嬰棲流諸堂院用以拯貧寬
疾法至詳澤至渥也而爲令長者往往視爲具文委之
僕役覽其簿記非不按名均給坐黍無差然而張甲李
乙多烏有之先生折色減平類分金之管子胥吏享其
實惠窮獨蒙其虛名又或有使鬼之錢乃可買貧民之
籍各種弊端令人髮指夫天地以好生爲心功德以活
人爲大至若用見存之款蘇無告之民尤爲不費之惠
甚非難行不過身親其事悞一朝之宴安耳嗟乎鬻糶
之陰多餓人壺飧之下有死士嗷嗷殘喘願與有心人
共念之也

阜平縣志

卷四

政典下 郵政

六

物產

州縣之志物產猶史家之食貨也自金玉鹽鐵以及菽粟桑麻蔬菜果蓏草木鳥獸蟲魚之屬大氏以見用於人為貴而即其所有者可以察地力之息耗民生之贏歉或有非常希有之物亦偶及之然非所重也夫農桑為衣食之原相燥溼之宜辨種種之種為政大體莫要於是而百工所飭化園圃所蕃育皆備於周官蓋所以便民朝夕之求即可因為生養之助古之稱循吏者於民間蔥畦韭圃皆具科程雖纖微瑣屑之務未始非政所宜及至於蠛飛蠨動野草時華無關於民隨在皆

阜平縣志

卷四

政典下物產

七

有志之於冊斯為贅矣

穀類

穀

黏穀

包穀

稻

赤小豆

黍

稷

春麥

秋麥

大麥

蕎麥

有甜苦二種

燕麥

青豆

黃豆

紅豆

白豆

黑豆

大麻子

菜豆

豌豆

扁豆

豇豆

芝麻

蘇子

小麻子

蔬類

蔥

韭

蒜

芹

莧

白菜

黃花菜

菠菜

芥菜

高苣

碧蓮

芫荽

蘿蔔

有紅白二種

蔓菁

茄子

瓠子

葫蘆

茼蒿

山藥

白扁豆

蕨菜 苦菜 薇菜 蘼菇 木耳 蕪 眉豆
菜豆 鑷豆 刀豆 捻豆 辣椒

瓜類

東瓜 西瓜 南瓜 北瓜 甜瓜 苦瓜 哈密瓜
王瓜 菜瓜 絲瓜 翻瓜 攪瓜 木瓜

貨類

蠶絲 始阜民不知飼蠶乾隆時知縣鄒尙易見邑多野桑又有蔡樹者山東稱波羅樹卽椽也葉亦宜蠶於是嚴禁樵採令飼蠶之戶貸倉穀二石稱絲給償勤其業者獎之民乃漸知蠶桑之利今溫南北龍川諸社畜蠶者千餘戶 絲花 土不甚宜少種者 麻 蜂蜜 羊氈 解玉砂

菸 藍 油 蠟 木炭 鐵砂 石炭

阜平縣志 卷四 政典下物產 六

石灰 楸皮

果類

栗 梨 棗 桃 杏 李 石榴
榛 胡桃 柿 椽子 桑椹 葡萄 蓮子
羊棗 酸棗 花生 蠶豆

藥類

黨參 丹參 沙參 苦參 黃芩
黃精 地榆 漏蘆 茜草 南星
桔梗 蒼朮 夏枯 茯苓 薄荷
荊芥 細辛 防風 升麻 知母

牽牛 遠志 桃仁 杏仁 棗仁

乾葛 猪苓 茵陳 瓜蒌 麝香

兔絲 卷柏 貫衆 蟬蛻 蛇蛻

地龍 蒙石 斑蝥 葛花 覆花

藕節 大蘗 蕎本 槐角 鼈甲

瞿麥 扁蓄 瓦松 鳳眼 草烏

蜂查 石葦 虎骨 松節 蘇葉

何首烏 黑柴胡 黃柴胡 翻白草 把子草

小茴香 馬兜鈴 薏苡仁 益母草 天花粉

五靈脂 柏子仁 桑白皮 蒲公英 王不留

車前子 土龍骨 牛蒡子 山豆根 血見愁

白茅根 劉寄奴 桑螵蛸 一枝蒿 白頭翁

萊菔子 赤小豆 地骨皮 側柏葉 合歡花

白草霜 仙人頭 蒼耳子 苦丁香 白丁香

透骨草 鬼箭羽 石榴皮 夜明沙 望月沙

山羊血 椿白皮 蓖麻子 萹花地丁 紫花地丁

木類

松 柏 槐 椿 楸 柘 榆

楊 柳 椴 柞 樺 楸 漆

花椒 山楊 梧桐 六道 對節 柳臘 杜梨

阜平縣志

卷四

政典下物產

九

草類

葦 荻 蒲 蘆 萍 蓑 茅
蒿 蓬 蒹 苜蓿 鐵帚

羽類

雞 鴨 鵝 鶩 鵪鶉 鴉
鵲 鴿 鴿 鳩 燕 雀 鷹

黃鸝 鷓鴣 鶯鶯 水鷗 乳鴨 角鷄 石鷄

野雞 黃雀 壽丹 蝙蝠

毛類

馬 牛 騾 驢 羊 鹿 豕

阜平縣志

卷四 政典下 物產

犬 貓 麝 麀 兔 狼 狐

虎 豹 熊 獾 山羊 黃鼬 刺蝟

水獺

鱗介類

鯽 鯉 魴 鯪 鰱 鱖

諭曰阜平土雖疏薄所孽產亦夥矣誠不啻厥媮情
 圣圣焉男耕婦織物土之宜而布其利雖不若江陵
 之橘陳夏之漆富厚匹於封侯要何難起羸瘠共爲
 康阜之民耶若乃至德之世天清澈地富熅協氣嘉
 生庶昌蕃殖攫搏擊之獸鮮毒蠹猛切之蟲密斯

則

聖朝大仁之治所謂渾渾鳴鳴萬物盡化也

阜平縣志

卷四

政典下
物產

三

聖朝大仁之治所謂渾渾鳴鳴萬物盡化也

風

災禘

春秋紀異不紀祥凡冰霜雨雪之失時儻節及草木鳥獸之反常者靡不謹而志之蓋以災不虛生變不自弭欲人主知所戒懼也古來文王修政克翦地震之妖宋景善言遂退熒惑之舍見妖爲善則禍不至彰彰著矣洪範五行傳推言大禍魚孽之應雖不免有附會而謂天災本於人事豈可謂盡無其理哉至叢爾小邑其於天人之際微矣然而鄒陽在獄暑月飛霜孝婦含冤東海不雨刑偶失中卽匹夫匹婦之怨憤亦有足以干天和者而况水旱偏災尤賴有司之彌縫匡救哉爰擷舊

阜平縣志

卷四

政典下 災禘

三

志所載及乾隆以後災禘悉次於篇其有所謂祥者則闕焉

正統九年派水發邑民胡某見一大木順流而下溯流欲取之坐於木上驚語水畔人曰是木鱗甲俱備前有鬣必龍也語畢人木皆沉

天順五年秋九月水簾洞中有聲如金鼓震動二十餘里至次年二月乃止

十四年王槐舖有異鳥止於林間其大如鶴五綵爛然

鳴聲震巖谷

宏治十年四月辛丑有火光長八九尺大如轆轤有聲

自東南至西南而墜

萬曆二十九年旱饑

天啟六年夏五月旱饑

順治七年夏饑

詔除糧

乾隆十五年夏大水

二十二年秋七月大風傷稼

五十九年大水

嘉慶六年大水

二十四年四月初八日天無雲雷忽見電光閃灼旋有

阜平縣志

卷四 政典下 災祲

三

黑風自東而西人咫尺不相見

道光三年大水

六年蝗

八年大水

十三年大水

十四年大水

十五年八月十四日大風三日始息穀實盡落

咸豐七年蝗

同治七年大水

十年大水

武事

金將葛鐵鎗與元將張柔戰於狼牙口在今縣治東北一百里

明嘉靖二十五年礦賊宋延貴等聚衆爲亂緣近茨溝營之銀河諸山皆產礦砂晉省漁利者集衆開採至數萬人因嘯羣不逞之徒劫略爲民害兵備道捕滅之

崇禎七年流賊寇阜平茨溝營守備張修身力戰死之國朝順治十六年晉賊高鼎陷阜平焚官署民舍殆盡因是縣廢二十餘年咸豐中粵賊捻匪蔓延北竄直省被擾亂者十有七八而阜平以險僻免自順治迄今邑之不見兵革者二百餘年矣

阜平縣志

卷四

政典下

武事

十四

藝文

重建儒學記

明學士 劉定之

自京師視真定爲畿內大府而其屬縣有僻在山林若
阜平者其學猶未稱夫聖代崇儒之規按圖經阜平北
抵龍泉關西接五臺山爲釋之徒者充斥焉彼人者皆
服左衽言侏儻充塞仁義者也然則阜平非無俊乂之
才受列聖百年教育之深恩意者猶顧慮夫夷俗之我
移寂滅之我誘故不克專心致志於聖賢之正學以大
成德業也乎是則修其學校以鼓振匡翼夫願學之士
誠不可緩也舊學在縣治西而治東爲察院列參琦時

阜平縣志

卷四

政典六下

藝文

五

高倚巒嶂俯視聚落然其勢位向背之勝學不如院屢
有欲更之者謂院爲憲臣所蒞懼拂其意重以學制加
廣材費浩繁未易議也教諭南昌姚紀始言之具今歷
城趙忠以奏上命覆覈之歷巡按御史盧陵劉鈺本府
二守湘水曾達隣邑曲陽令淮陰畢玉二人者皆與趙
令合無妨於公私遂允遷之令與教諭以爲遷之難若
是也爲之以易其可乎迺採良木伐堅石以付善匠董
以官之治士之能者革故鼎新風行雲移殿廡洎門尊
宏煥麗繪塑有嚴堂齋與舍肅整靜密講習有位他如
神庫祭厨饌堂射圃之類莫不以漸告具泮池以映之

高墉以周之而學制非昔侔矣未幾趙合盈秩而繼其
乏者則若有新令膠東魏泰同心殫力周爰其事始事
於天順癸未落成於成化丁亥教諭具書因其友秋官
主事熊惠請予記夫修學養士者之事也若乃士則宜
有不待是而自興起焉者深山之中木石居鹿豕遊而
爲聖陋巷之中一簞食一瓢飲而爲賢士之所志豈可
不希舜顏乎而因庠序制度之未稱以怠於成視古爲
有愧矣况今以大夫師長奉承

詔旨之故擇爽塏明秀之區而處我也烏革蠶飛之幘幪
也廩粟庖肉之日繼也而我猶不免者非夫也阜平之
士其勉之吾見其足於成己及人之德業而其身顯焉
家國天下賴焉其有自哉故記以需之

重修城隍廟記

明知縣李延賞

城隍廟之名果何所因而有也易曰城復於隍謂治亂
否泰吉凶禍福反復相尋如循環然究其所以未有無
故而然者冥冥之中必有神以主之命名原意或者有
在於此乎故自天子都以及各郡邑莫不建廟以祀之
振古若茲非獨今日然也名根於易若此通乎天下貫
乎古今若此是神也本至正而無邪至公而無私至靈
而弗晦使人之事之皆以善而不以惡以公而不以私

以誠而不以僞由迹反心一皆無所爲而爲則事神之
道得吾無容議矣但俗民愚婦謂福可以祈而得災可
以禳而去由是捐嗜好以昭其衷虔禱禮以干其幽微
夢寐以神其說誦經典以作其好謂事神之道在此而
不在彼嗚呼神豈若是其偏若是其徇哉書曰作善降
之百祥作不善降之百殃夫作善作惡者人也降祥降
殃者神也幽明感應捷於影響則神之好惡在人之善
惡而不在所禳也明矣由是觀之則吾事神之說不益
可信矣乎考之舊志建置阜平縣昉於金明昌四年竊
謂是廟之設亦緣於此蓋有邑卽有廟故也初則草創
不過廬舍而已洪惟我

阜平縣志

卷四 政典下 藝文

七

朝開基啟運邁五登三至天順四年縣令趙忠造作磚瓦
以易草茅其規模尙狹隘迨我

皇上御極四十有一年治隆俗美人尙禮義增修廟宇煥然
改觀其中間數神像已紀於李雷巖鐵碑記無容于贅
本邑義官安彪等求于文勒於石以永其傳予故表其
所以得名與所以事神之說敢以爲吾民告

重修城隍廟碑

知縣鄒尙易

乾隆丁丑春余奉

簡命宰阜平入其境土曠人稀相其川原風物人民廬舍

蓋不免荒涼之象惟有城隍神廟規模尙屬可觀邑人重加修葺不日落成請余記其事勒碑以垂永久余維城隍之列於祀典尙矣爲保障佑民人司一邑貞邪之休咎非若世俗一切淫祀寺觀之比也舊廟未圯阜人士樂加修飾不崇淫祀而崇正神是卽阜人士可與爲善之徵與天道福善禍淫寄視聽於內外遐邇城隍諸神以糾察天下人民之良莠

聖天子代天理物分職任於內外大小臣工以匡勦天下人民之賢不肖故內自京城外而各省府州縣凡有民人城池之處皆分命職官以治之於明卽皆各立城隍之

阜平縣志

卷四 政典下 藝文

天

神則正直不可欺蒙以奸僞凡境內之官吏士民或善或惡咸莫逃其鑒神亦足畏矣哉阜邑以瘠薄之區未遑他務急於此廟力加潤色雖神所以保佑斯土者不因此有加而觀廟貌之重新眷駿奔之衆志能無以答其意乎余考阜邑復於

國初休養生息抵今百有餘年矣何以土曠人稀景物未見豐盈也得毋官斯土者撫循化道之未殫其力生聚教訓之未協其宜耶夫倡率士民以興事向化仰迓神庥者邑之事也至於士勤於學農勤於耕工賈各勤於職業敦行孝弟講讓型仁以爲

聖世之良士巨民克當神心而默受其福庇則在阜人士之自勉矣宇宙盈虛之理盛極則衰衰極則盛阜邑之衰久矣今其將盛之候乎入斯廟者當知神之正直明威不可私干善不可僞飾惡不可諂免尙相與勉盡人事以迪吉迓休哉余不敏所爲生聚教訓之道撫綏化道之方不敢不勉竭心力以與阜人士爲轉衰爲盛之計以仰報

聖天子命官宰物之意城隍之神其必有以鑒而佑之矣後之繼余而宰斯邑者謁斯廟覽斯碑董勸此邦之人時加修葺交相勉於樂生興行之途而不替其受神明之

阜平縣志

卷四

政典下

藝文

五

賜益無窮哉

勸民種桑論

鄒尙易

農桑爲衣食之源人無貧富貴賤非此不能生活阜平土瘠民貧地畝之荒今已漸次開墾矣惟蠶桑之利尙未盡興也月令仲春之月命野虞毋伐桑柘后妃親東鄉躬桑禁婦女毋觀省婦使勤蠶事分繭稱絲效功無有敢惰所以爲天下勸也木各有宜土惟桑亡不宜故蠶亡不可事幽風之詩曰遵彼微行爰求柔桑則幽可蠶將仲子之詩曰無折我樹桑則鄭可蠶車鄰之詩曰阪有桑則秦可蠶氓之詩曰桑之未落其葉沃若則衛

可蠶皇矣之詩曰攘之剔之其屨其柘則周可蠶禹貢
兖州桑土既蠶則魯可蠶青州厥篚屨絲荊州厥篚元
纁則齊楚可蠶攷詩書所載古王朝列國亡有不以蠶
爲事者孟子告梁齊之君皆曰五畝之宅樹之以桑諸
葛武侯自表後主曰臣家有桑樹八百株知古公卿大
夫至士庶人亡有不樹桑爲蠶者阜平地雖瘠薄而土
性宜蠶溫北溫南龍川三社山桑尤多遠近鄉民攜筐
執斧採葉飼蠶歲千戶第罕見有以種桑爲業者近驗
樹桑最易生長每歲春分後入山挑取子桑日可種植
一二十本栽培修剔弗使踐害數年之後舍傍隙地遍
成桑林婦女就近取摘不盡不竭用力少而獲利多無
踰此者再取鮮桑樵散佈地中當年卽生長一二尺隨
時保護次年亦可分種子日因天之時乘地之利盡人
之力種桑養蠶乃天地自然美利資益匪細願吾民相
與共勉之毋忽特諭

重修啟秀書院記

張復古

邑故無書院乾隆五十八年前令張公極始改王快大

公館爲育才書院旣又以其地處東偏寒峻者或艱負

笈乃復築一院於在城和薰門下東坐西向正廳三楹

旁兩耳房附之南北廂亦各三楹對峙爲六牆垣周砌

門坊正開額曰啟秀當是時臯比有地繼畧有資師儒
教化之間必有可觀者距今僅四十餘年而堂廡傾圮
復蒙荆棘蓋自嘉慶六年以後膏火地畝患水沉沙壓
頻壑頻沒其僅存者學舍無主悉歸留養莫爲之繼雖
盛弗傳亦固然無足異者然入其疆而民俗里居率無
暴桀與言絃誦咸慨然興典型先正之思未必非前此
教澤之遺也迺會同城教佐於十社議重修之舉時則
有若邑紳張鵬程袁國成等力任其事踰月竣工地湫
隘故規制仍舊僅於鄰院文昌廟左側添置南北兩楹
爲退講地丹青土木完固悉臻屬余記之余惟人心風
俗之醇原於教化昔賢論之詳矣茲不且贅獨愧余繼
宰於斯弗克光大前修徒率都人士補苴罅漏陋已避
補苴之陋而墜不舉廢不修又或妄議前人軌務變置
會不揆時量力偶一掣肘新圖未就舊業已隳嗚呼是
又不若不避補苴之爲愈也是役也糜金錢五百緡有
奇皆取辦於士商之捐輸計有贏擬生息以助膏火應
附房地暨捐貲姓名數目另勒一石以詔來茲

居易軒跋

知縣 勞輔芝 槐卿

天下豈有險途哉人險之也人躁擾不靜營營焉六鑿
相攘故隨地莫非坑塹而宦途其甚也余自結髮從先

文毅公宦游南北所更非一弱冠後以縣令仕畿輔迄
今十有餘年矣雲煙變幻遇之於目風波起伏怵之於
心辛未冬蒞任斯邑邑僻眇事得從容讀故書究古今
之變及人事所由失得於是益曠然於欲鎮蹠當主靜
欲出險當就夷適構前軒落成因以居易顏之昔有夢
馳獵莽蒼之野者馬逸墮叢棘下視巉石劍列風洶洶
如萬雷大驚遂覺則身固臥榻上枕席甚安也夫人皆
有甚安之一地特爲夢所擾不能覺耳余非敢謂覺者
其庶幾足以警吾夢乎或謂此鄉瘠苦居大不易則惟
俟之而已

阜平縣志

卷四 政典下 藝文

三

重修奎星閣碑記

邑進士 陳嘉謨

奎十六星天之武庫也又爲文章之府孝經授神契云
奎主文昌是也宋五星聚奎爲文明之兆後世祀奎星
其自此昉乎我阜邑自順治十六年縣廢康熙二十二
年縣復徙治王快建奎星閣於文廟之東南隅乾隆十
年徙治故城文廟旣遷乃移祀奎星於街之中閣鄉人
以時肅祀事罔敢廢也歲久傾圯謀修而舉之顧以市
中囂雜地未善也迺因鎮之東閣益煥其制建祠其上
自是而西有舊閣三皆因而新之四閣峙然相望誠鉅
觀也而祀典益肅已抑嘗考之西方七宿共四十七星

其屬四十九座共二百五十星奎爲天將婁爲天獄胃
爲天倉昴爲天目畢爲天耳觜爲天屏參爲天水而奎
實爲七宿之首其精白虎象虎爾雅以爲尪是也又按
漢書天文誌趙於宿爲畢昴月令章句自胃一度至畢
六度趙之分也晉書趙入畢十三度新唐書自正定逾
衆山盡代郡爲畢分是全趙爲畢昴胃正定爲畢而昴
胃爲虎子畢亦象虎阜邑爲畢分奎畢同象則 奎星
之宜歆此土而有以降鑿之也又何疑乎誠使吾黨之
望斯閣者曰是將陰騰我者也是將佑啟我者也則所
以敦行厲學者當何如乎古云人傑地靈實相資也吾
阜邑分野當畢之宿左抱鹿岫右擁長城背枕恆山前
襟泝水地則靈矣倘有所謂人傑者出而以其學行乞
靈於星之靈其受福又當何如乎因斯閣之成備述興
建始末而以星之陰騰而佑啟者與同人相勗勉云

重修啟秀書院碑記

邑廩貢生
通州訓導張鵬程

夫先王端本於庠序非儒士不使治民聖人莞爾於絃
歌惟讀書然後爲學子產不毀鄉校常留遺愛之稱文
翁修起學宮高列循良之傳不圖此日重見高風阜邑
僻居北隅逼近西陲水複山重民醇士樸耕田鑿井村
多負耒之民說禮敦詩邑鮮橫經之士泥金未就賴陶

鑄於良工琴瑟不調待更張於善政我邑侯旦初夫子
一代名儒闔邑慈母蒲鞭不事常揮宓子之琴臯比宏
開大啟馬融之帳謂百工末技猶居肆以程功豈多士
窮經乃逸居而無教爰諮爰度爾卜爾筮擇肄業之良
區開宏文之別館爰有厚堂李少府以練達長材俯從
吏治進亭薛廣文以淹雅名宿來蒞學宮用能輔我邑
侯同成勝舉共擴宏圖念何地之無才謂小子之有造
隔蓬山於弱水假慈航而始渡迷津勵偉志於強臺非
援手而烏能坦步於是求前邑侯張公書院舊基擴而
廣之闢而新之分光華於奎壁室近文昌挹靈秀於山
川地踞名勝由是乙編課讀陳張華勵志之詩子夜箏
燈誦江總修心之賦庶可無慚樂育不負裁成也已
職
等同坐春風均沾化雨心儀盛治目覩成功勗庶士之
前修懷我公之厚愛用磨元石以誌仁恩敬布菲詞永
綿教澤今日韋編子弟幸叨隨問字之車他年竹馬兒
童當盡作研經之士是爲記

阜平縣志

卷四

政典下

藝文

五

賦詩

譙樓賦

并序

明知縣

李曰敬

蓋穹壤閒物無盡藏有定數初予爲青衿時有異夢
每識之楮墨逾三十年而驗之若左券至斯邑卽疲
甚而意其安焉旣而遭礮務權璫之害則又出於數
之外百姓荼毒逃亡解散四野寂寥荒渺頻仍公署
舉皆圯壞而縣之大門湫隘至不能容軒蓋每往來
未嘗不偃僂嗟異之奈瘡痍之後安忍動之乃謀諸
各役計工捐俸以次落成自謂有天幸焉每邀客登
臨興卽勃勃然欲吟咏之因賦此以俟後之君子

阜平縣志

卷四

政典下

賦詩

七

恭承簡命兮待罪荒陲撫我遺黎兮滿目淒其思中山
之古地兮界陶唐之西隅何國計之枝詘兮搜山澤之
瑰琦乃中貴之猖獗兮漣黔首之膏血嗟予遭吞噬兮
幾投肉於虎穴幸皇度之翻然兮驅洞庭之虺蜴蘇窮
鱗於涸轍兮撲燎原於旣燼念邑井之蕭條兮建此危
樓與二三子傲睨其中兮慰我窮愁瞻四山之在望兮
欲起瘠溝聆鐘鼓之雷鳴兮蚤暮煩憂若地以人靈福
緣善結高賢碩儒挺生秀發豈非斯樓之作育哉予將
大有望於來哲

五月望後二日與二學博登樓有感 李曰敬

當年挾策上神州，邂逅山城類楚囚。數載功名投虎口，幾番霜雪點人頭。耳聽畫鼓千山曉，目數征鴻五度秋。過往浮雲真幻妄，肯因五斗減風流。

飲阜平縣鼓樓

原跋云：邢公余舊公祖，因赴陝右觀察任，過飲此樓，留詩一首。大梁

李曰：敬識。

邢雲路

西風七月暮，禾黍萬山秋。小憩河陽縣，因登庾亮樓。川原宜騁望，詩酒且淹留。共爾神仙令，丹砂事可求。

縣齋雜興

知縣嚴遂成

連山長一望，如風蹴波濤。崎零數村落，向晨屋寥寥。出門十許步，沒髀深蓬蒿。猛虎晝大出，人立狺狺號。有田

阜平縣志

卷四

政曲下 賦詩

美

雜砂礫，割裂無平阜。漁網漏一目，坤卦斷六爻。於人爲寡髮，安得芄芄苗。膏腴入僧錄，金碧空岩堯。牆西豕招，苙牆北羊補牢。吾亦皈依佛，破瓦風蕭蕭。鐘鼓喜在御，

夏擊支清宵

支更之鼓，又有小鐘。代點皆廟中所遺物。

地形陂不平，塋碣莽零亂。熊館人三休，羊腸路百轉。支河四五道，一河滙湍悍。力能捲土去，而不資澆灌。居晉之下流，東南蔽畿甸。鹿角倚三關，犬牙制九縣。俺答昔入寇，闖賊游魂散。間道實阻隘，狼藉經四戰。載筆闕誌，乘攷古發遙歎。

五日刲一羊，十日刲一豕。日出數丈高，寥寥黃帝市。官

無食肉相清芬龔牙齒雨肥菜甲滋霜老瓜團委佐箸
良已奢調飢念田里稼實以爲餽桑椹以爲醴監河活
枯魚安用西江水

龍泉關

嚴遂成

燕晉分疆處雄關控上游地寒峯障日天近鶻橫秋虎
護千年樹人披六月裘夜來風不止嚴鼓出譙樓

阜平道中

總督

方觀承

下澤無恆雨高田亦滿車引流兼浸稻間石復堆瓜舊
向僧巖靜重來戶版加十年生聚願亭堠隱桑麻

長城嶺道中

方觀承

阜平縣志

卷四

政典下 賦詩

三

關嶺望周遮盤空一徑斜老從筋力減景入履痕加累
壑翔雲海高峰燦雪花千林添映帶葉葉照丹霞

自龍泉關上長城嶺望五臺作

方觀承

重關一徑嶺崔嵬雪影朝光凍未開樹老根猶盤戰地
嶺有楊延昭掛甲樹雲深路不隔香臺五丁力鑿層陰散三竺經

聲好相來夜火天花相照出

五臺產菌最高處爲天花
採者夜半伺之出土頃刻

增長
數倍幾回人作

聖燈猜

五月八日勘道長城嶺次梨雲鋪遇雪 方觀承

陰嶺忽呈色春枝亦綴花梨雲吹更積楓葉冷還加

各

八月杪長城嶺道中
大雪時紅葉方盛
穀日歌農瑞山風問酒家清塵同
渥澤愛踏去程賒

掛甲樹

郡守 鄭大進

將軍忠義宋干城掛甲猶傳百世名
石壁雲封迷鳥道
虬枝風勁聽龍鳴
雄心自並關山古
軼事偏貽草木榮
感慨示衣坂上客
楊郎吾欲配顏卿

和方總督阜平道中原韻

鄭大進

召棠欣托蔭
卯雨復隨車
連日喜雨
勞來歌鴻雁
綿延引賦
瓜井還為邑
改十三年移縣治
賦恰與民加
額鹽增至三百引
幾派臙

脂水居人漚紵麻
臙脂河在阜平源 出本邑青竿嶺

阜平縣志

卷四

政典下 賦詩

矣

和方總督阜平道中原韻

知縣 鄒尙易

夙駕乘靈雨
花陰偶駐車
連臙齊吐麥
傍舍各栽瓜
已時
開春連
日得雨
十社光重被
阜平轄十社 制府凡三至
三農慶
遞加召棠留

蔭處扶醉話桑麻

和方總督長城嶺道中原韻

鄒尙易

複嶂淡烟遮
馬蹄踏處斜
長城天險設
行色惠風加
古樹含殘雪
晴嵐綴早花
山空層引勝
旌旆夾彤霞

和方總督自龍泉關上長城嶺望五臺作原韻

鄒尙易

雄關自古踞
崔嵬三晉風
烟望裏開掛
甲千秋餘古樹

弓橐四海盡春臺

鑿輿經歷清塵數佛髻清涼曉色來

五臺即清涼山

暇日登臨遙攬

勝巖前猿鳥莫相猜

和方總督正月八日勘道長城嶺次梨雲鋪原韻

鄒尚易

穀日徵豐歲長城一片花梨雲時暫駐嶺樹雪交加星
使經三照春光入萬家誰云寒氣肅野老負賒賒

和鄭太守掛甲樹原韻

鄒尚易

野色蒼蒼樹繞城將軍掛甲擅英聲節分三世金湯古
聲撼半天風雨鳴從古英雄多飲恨至今草木尚知名

阜平縣志

卷四

政典下 賦詩

三

扳條爲遯軍中事髣髴常山顏杲卿

遊金龍寺

鄒尚易

幽尋半入天高寄寓仙釋金龍閣遺蹤寺門穿徑窄寒
日隱復嶂懸瀑下絕壁捎林萬里風列崖太古柏石罅
靜琮琤谷響遙格磔門前溪湫流山谷透泉脈嗟噫大
茂山拔地幾千尺袤延四十里峭峯排劍戟濃霞滅林
端寒翠入空碧居人半煤戶馱載日絡繹蘊真洽靜便
勞生慚物役佳茗發清言佛脚憩遊屐濟勝竟忘疲僧
寮日將夕舉手告山靈他年非生客

詠古柏

鄒尚易

深巖古檜雪霜封千尺銅柯萬木宗漫說前朝會賜勅
將軍衣錦大夫松

溜雨霜皮黛拂天雲溪寺後石林前惟應迦葉香龕裏
會見青珠乍綴年

五峯嶺

教諭 蘇燕

一卷石可狀巖從探勝尤憐秀嶺重春樹雨晴分靄翠
月邨烏繞斷烟濃眞來面目廬山路恍躡清涼古佛蹤
五嶽圖形卧遊遍何如互看小奇峯

掛甲樹

蘇燕

蓋代英名傳大樹馮公而後數將軍三關保障黃河險
阜平縣志

卷四

政典下 賦詩

罕

萬里戡平大漠氛德惠感民環易水威稜禦寇震燕雲
祇今掛甲經行處武備豈忘兼石文

暮抵龍泉關

失名

傍塞孤城險盤紆霄漢間咽喉通兩晉節制重三關霜
冷秋鴻迴烟深牧騎還松樓明月上戌鼓震邊山

神仙山

邑生 袁本澄

山間草木半雲煙一局殘碁石磴懸
點樵人觀勝負斧柯爛盡已多年

上有石桌碁迹指相傳仙人對奕

孫子嶺

袁本澄

破魏奇勳萬弩攻何來此嶺仰英風士人爭說讀書處

果滿山園南北同

嶺南有南果園嶺北有北果園贖嘗食之

和 制府方公阜平道中作

邑廩生

郅佩琅

霽雨千邨滿欣逢召伯車民依覘樂土物產茂田瓜山
遠晴嵐映雲開瑞靄加豐年額手慶惠澤遍桑麻

和 制府方公長城嶺道中原韻 郅佩琅

驅馬上危梯悠悠日已斜
嶺穿徑曲轉雉堞勢層加
倒影垂蘿帶浮嵐覆晚花
置身霄漢裏逸興滿烟霞

賑貧謠

知縣

勞輔芝

歲有十一月夜月寒無光
械械庭前樹有聲
夏琳瑯晨起天宇淨
銀海搖茫茫朔風裂肌膚
痕人如劔鏃牛馬

阜平縣志

卷四

政典下 賦詩

聖

皆蜩縮飢鼠號空梁
見說街東頭老婦倚壁僵
又聞東死骨三兩橫
城隍嗟我稱民牧
中心惻以愴乃爲搆籩
廬乃爲設暝牀
按名給腰牌老幼奔踉蹌
日飢稷米粥聊壓雷鳴腸
明知斗升惠不能徧窮鄉
且復救目前穀餼未見羊
道路互傳說風聲旋播揚
來者日益衆魚貫而雁行
藍縷塞衢衝破釜襍柳筐
大開給孤園布地須金黃
窮宦兩三載羞澀垂空囊
我錢日以艱穀價日以昂

拮据閱三月措奏窮千方
譬見枯魚泣轉之清淺塘
亦頗蘇其困圍圍復洋洋
微聞耆老言父母恩難償
何意鄒令後仁澤復我滂
又言雪一尺其下消蝻蝗
今茲

既霑足來茲必豐稷但冀歲豐穰高築幽民場家家作
春酒稱壽躋公堂爲我謝耆老小惠徒皇皇窮檐多疾
苦返已增慚惶但冀歲豐穰隴畝棲餘糧家家作春酒
耆老壽且康

遊石佛堂七言排律五十韻

邑舉人王夢松

登高直上翠微巔始信人間別有天身到瓊臺看璨璨
手捫銀漢弄涓涓遊行獨步塵寰外絕跡飛昇帝座邊
車馬無喧鄰靜域斗牛可摘近星躔昂頭咫尺臨重闕
縱日蒼茫辨八埏日月雙丸壺裏轉江河一線畫中傳

撥開上界三層霧看徧齊州九點烟遠眺尺吳和寸楚

阜平縣志

卷四

政曲下賦詩

望

近觀古趙並前燕金臺夕照迎賓館蘆岸朝呼渡客船
定武浮屠尖似指常山郡郭小如拳鵬盤恆岳歸深樹
馬踏淖沱溼銅鞮堯井蝸紋蟠曲乙薊門雁陣敘班聯
虹拖鐵嶺浮天際浪滾沙河赴海壖冀北名區堪紀勝
終南捷徑快爭先泲州槐蔭圍花縣脂岸桃波浸稻田
東射霞光生鹿岫西來爽氣挹龍泉層臺寺古樓擎閣
大茂叢深鵲避鷗易水歌殘思壯士廣陵調絕憶高賢
好名翻恐沾其禍養晦應能泯厥愆筮陰巢由鳴曠達
簾藏鬼谷秘真詮建營馬武成功退掛甲楊昭奏凱旋
在昔邊城排壁壘於今村落掉鞅韃高攀蘿磴升三殿

小憩茆庵結數椽穴劈珠崖通碧落縫流瓊液鑄丹鉛
椎痕畫破鴻濛境人力能分造化權忽訝空中金掌見
俄驚樹杪玉堂懸神工闢作白雲洞釋子修成赤脚仙
僧爲山居情愈靜佛因石化性彌堅貞心曾被媧鑪煉
法宇疑經鬼斧鑿來也有因參慧業磨而不磷謝塵緣
芙蓉色綴裳俱活瑪瑙光摩頂倍圓瘦倚枯筇撐鐵骨
寒侵孤榻聳山肩蒲團坐雨形臞若橘手拈花象宛然
寶座玲瓏嵌琥珀法輪迴轉運機璿戒珠定掛珊瑚串
智炬長明玳瑁筵黃絹碑埋眞沒字綠陰琴卧卻無絃
鑪香偶斷檀香接竹蔭微疎柏蔭連鳥作友朋飛隊隊
蝶稱道士舞翩翩仙翁寂滅消塵念古刹清涼遠市廛
遺象得看思過半解牛乘閒目無全九秋餐菊寒漿飽
五月披裘熱念蠲却暑不須蕉葉扇耐涼時卧雪華氈
參苓充腹期增壽柳檉折腰欲乞憐笑對虎溪驅虎僕
欣看蝸室篆蝸涎伐毛恰比梳翎鶴換骨眞如蛻殼蟬
杯渡螺舟邀月醉瓶吹蜩笛聽茶煎寂焉不動觀危塔
逝者如斯指巨川誰向林間修寶寺我從圯下受瑤編
尋眞宛共宣平語好飲難參慧遠禪此會吟詩題畫壁
碧紗籠罩待他年

阜平縣志

卷四 政典下 賦詩

聖

壬戌重陽遊石佛堂

知縣 徐承堯

崇巖壁立千尋高，萬山盤曲如來朝。中有福地寄仙曹，石堂石佛環週遭。我來登高其樂陶，攀危陟險渾忘勞。四顧天低風力豪，寒泉噴雪松鳴濤。萬緣清淨絕塵囂，一笑千古輕鴻毛。醉後狂歌拍楚騷，鐘聲夜半叩蒲牢。堂右古柏一株前，朝故物也。邑志未載，亦無題詠。有感于懷，因賦此以寄慨。

勞輔芝

涿州有柏青葱，龍柯鐵幹，烟雲封不識。何年何人手植，此盤根錯節，形如龍土人相傳種植。早宋元明代無可考。城郭官衙未建時，樹已森森大合抱。人物興衰，歷數番枝葉，虬勁無枯槁。嗣緣困囿，此堂前精氣不舒，因

阜平縣志

卷四

政典下 賦詩

器

漸老對柏傷懷，亦自傷。良材淪落安可量。大匠不遇棟樑，木木待大匠空。徬徨况復孤高，堅定質滔滔流俗。誰爲揚題詠久缺，已屈抑志乘不載。何遺忘因念長城掛甲樹。縣西長城嶺掛甲樹多有題詠曾邀題賞，增輝光更念雲溪九龍柏。勅封遺蹟。縣東雲溪寺古柏，明萬曆古鏹樹皮大書勅封樹王四字翻稱王彼豈有靈與奇異，偏得運會流清芳。要知窮通有定際，遇無常待時。俟命胡攘攘。

秋日阜平感懷次杜少陵秋興原韻

勞輔芝

霜嚴風勁葉辭林，突兀峯尖若劍森。滿地黃花烘日影，徧山紅樹襯雲陰。村孤早報三秋信，地瘠徒憐十社心。

一種荒涼難寫處，蟲聲唧唧雜寒砧。

鳥道羊腸徑狹斜。

鑾輿會幸賞秋華，山頭昔日欣飛箭。渡口於今不泛槎。昔阜邑有

兩渡口今因水無定所渡船廢矣 松石禪林即招提寺因聖祖賜額曰松石禪 鳴夜磬

茨溝營汛動寒笳，無端觸目傷懷抱。况值城邊盡落花。

山城幽僻暗無暉，古塞蒼茫接翠微。石激寒泉鳴復咽。

風飄落葉定還飛，心關歲歎嗟民困。目極時艱歎願違。

復值連年苦淫雨，米珠薪桂只魚肥。

人事從來一局棋，基桑田滄海實堪悲。阡畦水瀉無餘土。

渠洫沙盤勝舊時，莫怨羅鄒羅鄒二公均於任阜平時教民引水灌田故沿河均

阜平縣志 卷四 政典下 賦詩 罌

開稻地因渠壩不堅被水冲刷故年來被水頗形苦况實天時無怪人事也 籌策畧豈嫌農

圃，範防遲艱難瘠地安為力，搔首徒然繫我思。

滔滔派水繞恆山，楚客悲秋感此間。一帶長城經五嶺。

千重疊嶂擁三關，凝眸睥睨常懷古。迴首瀟湘不解顏。

游宦十年猶故我，慚無才智列鸞班。

五麟圖展憶前頭。昔友人繪余兄弟五人為一圖觀以丹桂名丹桂五麟圖見贈 桂

子香飄八月秋，骨肉東西成遠夢。斗牛南北感離愁。思

羣每羨天邊雁，逐對空看水上鷗。遙望家鄉數千里，三

年株守一泚州。阜平為古泚州泚字有平仄兩音平音師音脂仄音祇音帝今作平用

掛甲爭傳宋將功，清泉古樹掛甲樹相傳為宋楊延昭遺跡樹大而古西有馬跑

泉清冷 畫圖中嵇康 縣西有亭傳云 亭寂空明月石晉

可飲 昔石晉與契丹分地 晉嵇康學琴處 山分尙烈風遺蹟那如春草綠流

以大茂山脊爲界 芳惟趁夕陽紅浮生一覺黃梁夢居易翻輸田舍翁

荒城對嶺水透迤黃草頽樓映綠陂憐彼古槐盤傲骨
羞伊弱柳舞柔枝陶潛有識腰無折賈誼多才志不移

自愧菲材時未達且隨杜老詠低垂

渡恆河

邑廩生 顧和純

恆河之水兮遠來自恆山懸脂等河滙流處濶蕩兩岸
荒沙環此河因以大沙名春秋潺湲流激清每當夏霖

山漲發洪濤浩浩躍鯤鯨昨夜傾盆雨如注我於詰朝

阜平縣志

卷四

政典下 賦詩

哭

將遠行出村數武聞波聲先聲雷震心已驚迎岸一望

風鼓浪舟人僉曰渡無恙棄馬攜囊踴躍登纜及中流

舟搖蕩忽看銀山捲地來相顧驚謂來山漲舟上人憑

挽舟人舟人先曰無力伸俛爾洪波低復昂渺茲一葉

任沈淪舟隨波下勢欲溺仰望四面水如壁忽焉舟直

上青霄身復悠悠起高激浪衝怪石吟且號隄崩岸塌

潮愈高囊中劍欲化龍去幾作太白駕六鼇岸上人呼

舟上喊棹纜難憑盡落膽眼前有岸力難收憑舟危坐

隨搖撼轉瞬飄流數里過水勢逾猛將若何浪頭一激

舟斜出宛如神助泊山坡篙漿徒勞纜無力未若逐浪

隨流波吁嗟乎古今世事如此多人生由命非由佗

遊石佛堂

邑增生李瑞庭

登高直上翠微巔石室傳流不計年深谷清泉縈碧磴
亂山紅樹鎖蒼烟題名傑埵危崖聳沒字殘碑峭壁穿
醉後憑軒遙眺望葱葱萬笏列筵前

遊石佛堂

邑舉人張尊三

九日登高陟岫巔同人極目快流連崎嶇鳥道空山鑿
層疊仙梯峭壁懸風送鐘聲紅葉寺鴉啼月色白雲天
嵯峨萬嶂環仙洞石佛尊嚴鎖翠烟

阜平縣志

卷四

政典下

賦詩

七



